

ጾኑሲ ማድ"ሞ ዳኪንቴ ጳጳሮሴኮ ቤርታሳ ኪሊቶ" ዓይያ ካሮ"

ጾኑሲ ማድ"ሞ ዳኪንቴ ጳጳሮሴኮ ቤርታሳ ኪሊታ" ፃኣፒንቴህ፣ ኪሊቶ"ይዳ «ጾኑሲ ሞ ዳኑሪንቴ ዳሬ» ገይንታ፣ ዳኮ" ዒሲያ ጎፆ ዓጮ"ኮ ኬድ" ዛላ" ዳንዲ ዓኣ ዩሱሴ ጉሙርቃ ዓሶሞኬ፤ ኪሊቲሎኮ ዳኤፖ ማሊፃ ሓሮ" ኪሊቶ" ናባባ ዓሶ ዔያቶኮ ዩሱሴ ጉሙርቂያ ዛሎ"ና ዒዲንቲ ዳኪንቴያና ሜቶ"ናይዳፓ ደዲሻኒኬ። ፃኣፒህ ዩያይዳህ፣ ዩሱሴኮ ሓይቦ" ዛሎ"፣ ሓይባ"ፓ ዔቂያ ዛሎ"ንታ ገንህ ማዒ ሙካንዳ ዎዞ" ኬኤዛ ኮዦ ሓይሶዎ ጳቂህኒኬ። ዩሱሴ ኪሪሰቶሴኮ ናንጎ ኮኦኪንህና ኬኤዚህና ማታህ ዔያታ ዳንዳዒ ዔካንዳያ ኮይሳህ ዔያቶሞ ኬኤዛኔ፤ ዩያይዳ ሓህ ማታ" ዔያቶኮ ዩሱሴ ጉሙርቂያ ደዲሞ ጎናሲ ዛጋያ ማዒህንታ ዩሱሴ ኪሪሰቶሴ ሙካ ዎድ"ና ዔያቶሞ ኮይሳ ዒንጎ ባኮ ዔያታ ዔካንዳህያ ዔያቶሞ ላታ"ኔ።

ሓሮ" ኪሊቶ" ፃኣፒህ፣ ማታ ዔያቶ ሄሌ" ዎድ"ና ደዳንዳጉዲ፣ ሓህ ኪሊቶ" ናባባ ዓሳ ኪሪሰቶሴ ገንፆ ሓንታ ዓሲ ናንጋኒ ኮይሳማ ጎይያ ናንጋንዳጉዲ ጳቂህ ኬኤዛኔ።

ሓሮ" ማፃኣፔላ ዲማ ዲማ ዓርቄ ባኮ

ዓይያ ካሮ" 1፡1-2

ጾኑሲኮ ዳቂሺያ ዛሎ" ጳቂሥህ 1፡3-12

ጌኤሹሞና ናንጊህ ዛላ ዞሮና ዞሮ 1፡13—2፡10

ማታ ሄላ" ዎድ"ና ዩሱሴ ጉሙርቃ ዓሳ ማዳንዳ ባኣዚ" 2፡11—4፡19

ዩሱሴ ጉሙርቃ ዓሳ ናንጋንዳ ጎይህ 5፡1-11

ጋፒንህ ማሊህ 5፡12-14

1 ዩሱሴ ኪሪሰቶሴ ፔ ማድ"ሞ ዳኬ ጳጳሮሴይዳፓ፡-

ጳንፆሴይዳ፣ ጋላቲያይዳ፣ ቁጳዶቂያይዳ፣ ዒሲያይዳ፣ ቢታኒያ ዓጮ"ይዳ ዳኪንቴያና ላኣሊንቲ ዳንዲ ናንጋ ዓሶሞ፤ 2 ጾኑሲ ዓዳህና ቤርታዲ ዔርቲ ደኦሪንቴዞንህሞ፣ ሃሃ ዩሱሴ ኪሪሰቶሴሞ ዓይህንታኒና ዒዛኮ ሱጉያና ፑጨንቲ ማሰቲ ጌኤሸካኒ ዓያኖ ጌኤዦና ዲማዳዞንህሞ፣ ጾኑሲኮ ኮሹሞ ዒንጊያንታ ኮሹሞንታ ዒንህሞ ዲቦንጎ።

ናገረና ናገጋ ዋዛ

3 ዬሱስ ኪሪስቶስኮ ከሐይባ"ፓ ዔቁያ ዛሎ"ና ናገረ ማዔ ዋዛ" ኑም ዒንገህ። ጳኤፖ ማኣሪያና ዓኪ ሸይንቲ። ፔ ናይ ኑና ማህህህ ሃሃ ኑ ጎዳህ። ዬሱስ ኪሪስቶስኮ ዓዶ ማዔ ያኦዛህ * ጋላቲንቶንጎ፤ 4 ዒዚ ጫሪንጮይዳ ዓኣ ባይቁዋያና ፑርቲዋያ። ሓህ ጨንቁዋያ ማዔ ዒንገንታ ዓጮ" ኑ ዳካላንዳጉዲ ኑም ገኢጊሼ።። 5 ዒንህያ ጋፒንያ ኬሎ"ና ፔጋዳንዳ ዳቁንቶም ጉሙርቁህ ዛላና ያኦሲኮ ዋለቆና ካፒንቲ ዓኣ።።

6 ኮይሳ ባኣዚ" ማዒ ጳጳም ዲማ ዲማ ዓይሳ ሜቶናታያ ዒንህህ ዓኣያታቶዋ ዬኖ ባኮና ዒንህህ ዋዋዛዲዋቴ።። 7 ሃይ ሜታ" ዒንህህ ሄሌ"ህህ ዒንህህኮ ጉሙርቁያኮ ጎኑም ዛጋገከ፤ ሳይይዳ ባይቃ ዋርቁ ጎያ ባካታያ ታሚዳ ዓጊ ጎኑም ዛገንታ፤፤ ዒንህህኮ ጋዓንቲ ዋርቆይዳፓ ባሽ ማዔ ቦንቺንቲ ጉሙርቁያ ዬያጉዲ ዛገንታኒ ኮይሳ፤፤ ዬያይዲ ዒንህህኮ ዛገንቲ ጉሙርቁያ ዬሱስ ኪሪስቶስ ሙካኣና ጋላታንታ ቦንቺንታ ሃሃ ዴ"ጊ ጌዒህያ ዒንህህም ማዓንዳ።።

8 ዬሱስ ኪሪስቶስ ዛገባኣያ ማዔያታቶዋ ዒንህህ ዒዛ ናሽካ፤፤ ሃሃ ያዲ ዒንህህ ዛገባኣያ ማዔቴያ ዒዛ ጉሙርቁ፣ ዳንጋና ኬኤዛኒ ዳንዳዒንቲዋያ ቦንቺንቲ ዋዛና ዒንህህ ዋዛዴ።። 9 ዓይጎር ጌዔቶ ጉሙርቁያ ዒንህህሲኮ ማሊያ ማዔ ዒንህህ ሽምፓህ ዳቁንቶ ዒንህህ ዔኪ ዔኪ ዓኣህርኬ።።

10 ዬኖ ዳቁንቶ ባኮ ያኦሲ ማሊያ ኬኤዛ ዓሳ ኮሺ" ኮዒ ዛገ፤፤ ዬያር ዔያታ ያኦሲ ዒንህህም ዒንጋንዳ ኮሹም ዒንገያ ቤርታዲ ኬኤዜ።። 11 ዔያቶ ጊዳ" ዓኣ ኪሪስቶስኮ ዓያና" ሜሲጤይዳ ሄላ"ንዳ ሜቶ"ና ሜቶ"ኮ ገንያይዳ ዒዚ ዴንቃንዳ ቦንቺ ቤርታዲ ዔያቶም ዳቁ፤፤ ዔያታኣ ዬይ ቢያ ዋማ ዋዶ"ና፣ ሃሃ ዋይቲ ማዓንዳቴያ ማሊ ኮሺ" ዛገ፤፤ 12 ዬያታ ያኦሲ ማሊያ ኬኤዛ ዓሳ ማዴህ ዒንህህም ማዓንዳፓዓቴም ፔኤም ማዒባኣህ ዔያቶም ፔጋዲ ዔርቲ፤፤ ዔያታ ዒንህህም ማዴህ' ጫሪንጫፓ ዳኪንቲ ዓያኖ ጌኤዢ ዛሎ"ና ሃህ ኮዢ' ሃይሶ ዒንህህም ኬኤዛ ዓሳ ኬኤዜ ባኮ ፔጋሲህናኬ፤፤ ዬያ ባኮ ያኦሲ ኪኢታንቻታያ ዛጋኒ ኮሺ" ሱኡካዴ።።

ጌኤሹምና ናገረህ

13 ዬያር ዒኖ ዒንህህኮ ማዶም ገኢጊሺ፣ ኮይሳ ናገረ ዳምቤና ናገረ፣ ዬሱስ ኪሪስቶስ ሙካኣና ዒንህህ ዴንቃንዳ ኮሹም ዒንገያ ዛሎ"ና ጉቤ ማዔ ሃጊ ማዓንዳ ዋዛ ዒንህህኮ ዓኣያ ማያንጎ።።

* 1:3 ዓኮ ጫኣቁማ ቤርታዲ ያኣፒንቲ ገሪኬ ሙኡጮና- «ዬሱስ ኪሪስቶስኮ ያኣህህና ዓዳህ ጋላቲንቶንጎ» ጋዓ።።

14 የኦሲም ዓይህንታ ናይ ዒንህ ማዕህሮ ዔራቶ ዓቲህና ቤርታ ዒንህኮ ዓኣ ፑርቶ ማዶ" ሱኡኮ ኩንህፖቲ፤ 15 ጋዓንቲ ዒንህ ዔኤሌ" የአዛህ ጌኤሺ ማዕህጉዲ ዒንህያ ዒንህ ናንጎና ቢያ ጌኤሺ ማዑቀቲ፤ 16 ዓይጎሮ ጌዔቶ ጌኤኸ ማፃኣፖይዳ፡- «ታኣኒ ጌኤሺ ማዕህሮ ዒንህያ ጌኤሺ ማዑቀቲ» ጌይንቲ ፃኣፒንቲ።

17 የአማኣ ዲማሱቀዖ ፔቲ" ፔቲ"ህዲ ማዶ" ማዶ" ጎይዖ ዋጋ የአዛህ «ኮ ዓዲህ» ጌዒ ዔኤላ"ያ ዒንህ ማዕቆ፣ ሃያ ሳይይዳ ሸኦቹሞና ዓኣዖ ዒዛ ዒጊጨህና ናንጉቀቲ። 18 ዒንህኮ ዓድንህዲፓ ዒንህ ዳካሌ ማኣዲ"ዋ ናንጎይዲፓ ዒንህ ጊንህ ሻንቁንቲህ ሳይቃ ባኣዚ"፣ ሚኢሽና ዋርቁና ማዒባኣህ ዒንህ ዔራሬ፤ 19 ጋዓንቲ ዒንህ ሻንቁንቲህ' ፑርታ ባኣዚ"ና ፓጩ ባኣዚ"ባኣ ማራይ ማዕ ኪሪሰቶሴኮ ቢያፓ ባሻ ሱጉዖና። 20 ዒዚ ደኦሪንቲህ ሳዓ ማኸንታንዲህኮ ቤርታዲ ማዓዛ ሃህ ጋዓንቲ ጋፒንዖ ዋድ"ይዳ ዒንህ ዛሎ"ሮ ጌዒ ዒ ፔጋዲ ጴዳ። 21 ሃህ ዬሱሴ ሃይቦ"ይዲፓ ዔቁሲ ዒዛም ቦንቾ ዒንጌ የአዛህ፣ ዒዛ ዒንህ ዬሱሴ ዛሎ"ና ጉሙርቃ፤ ዬያሮ ዒንህኮ ጉሙርቁዖንታ ሃጊ ማዓ ዋዞ"ንታ የኦሲዳ።

22 ዑህ ናሽኮ ናሹሞቲዋንቲ ጎኔ ናሹሞ ዬሱሴ ጉሙርቁ ዔኤ፣ ዒንህኮ ጌርሲንህም ዓኣያ ዒንህኮ ማዓንዲጉዲ ጎኑሞም ዓይህንቲህና ዒንህ ዒንህ ቶኣኮ" ጌኤሽ፤ ዬያሮ ጉቤ ዒናና ተ ሴካና ሃንጋና ዋሊ ኮሺ" ናሽኩቀቲ። 23 ዒንህ ላሚህ ሸይንቲህ ናንጊና ናንጋ ማዒ ደዲ ናንጋ የኦሲ ቃኣሎ"ና ባይቁዋ ፃጲዲፓኤ፣ ባይቃ ፃጲፓቲዋሴ፤ 24 ዓይጎሮ ጌዔቶ ጌኤኸ ማፃኣፓ፡-

«ዓሲ ቢያ ማኣቲጉዳያኤ፤
ቦንቾ ቢያ ካይዚዳ ዓኣ ቡኒጉዳያኤ፤
ማኣታ" ሹሊ" ማላ፤ ቡና"ኣ ዲኢና፤

25 የኦሲኮ ቃኣላ" ጋዓንቲ ናንጊና ደዲ ናንጋ» ጋዓ።
ዬያሮ ኮሺ ሃይሴ ማዒ ዒንህም ሚርጌና ከኤዚንቲ ቃኣላ" ዬያኤ።

2

ናንጊና ናንጋ ሹጫህና ዲማዴ ዳሮ"ና

1:16 ለዊ. ዓኤ 11:44-45፤ 19:2። † 1:22 ጉቤ ዒናና- ጋዓዛ ፔቲ" ፔቲ" ሚናኣ ማፃኣፓ «ጌኤሺ ዒናና» ጋዓ። 1:25 ዒሲ. 40:6-8።

1 ዓካሪ ፐርቱም፡ ማልቲ ጌሰቲህ፡ ጌኤሽ ዓሲ ፔና ማሊሲህ፡ ቁኢሩሞ ሃሃ ዲማ ዲማ ደንኮና ዩያጉዳ ባኮ ቢያ ዒንህዳፓ ባይዚ፡ 2 ሃህ ሸይንቴናይ ዲኢቂ ሱኡካዳህጉዲ ዒንህያ ዒንህኮ ዳቂንቶና ዲጩ ዲጩ ዓኣዳንዳ፡ ዓያኖ ጌኤዠ ቃኣሎ" ዲኢቆ ጾቂህ ሱኡካዳቸ፡፡ 3 ዒንህ ሱኡካዳኒ ዳንዳዓህ ጌኤዠ ማፃኣፓ ጋዓ ጎይዖ፡- «የኦሲ ኮሺ ማዕህ ዛጊ ዲማሲ ዔሬያ ማዕቶኩ፡፡»

4 ዩያር ናንጊና ናንጋ ሹጫህ ማዕ፡ ጎዳ ዩሱሴ ባንህ ዑኩዋቴ፤ ዩይ ዓሳ ዒዛ ቦሂ ኬኤሬንቴ ያኦሲ ዶኦሪ ቦንቸህኩ፡፡ 5 ጎዳ ዩሱሴ ባንህ ዒንህ ዑካንዳህያ ናንጊና ናንጋ ማኣር ማዠህጉዲ ዓያና ማኣሪ ማዠንታኒኩ፤ ዩያይዲ ዩሱሰ ኪሪሰቶሴ ዛሎ"ና ዋዛሳያ ማዕ ዓያናና ያኦሲም ዒንጎ ዒንጊዖ ዒንጋኒ ዲማዴ ቁኤሶ ዒንህ ማዓንዳኔ፡፡ 6 ዓይጎር ጌዔቶ ጌኤዠ ማፃኣፓይዳ፡-

«ሃይሹ፡ ዶኦሪንቴ ቦንቸንቴያ ማዕ
 ማኣር ማዠ ሹጫህ ጸዮኔይዳ ታ ጌሃንዳኔ፤
 ዒዛ ጉሙርቃይ ቦርሲንቴንዲዋሴ»

ጋዓ ቃኣላ ፃኣፒንቴ ዓኣኔ፡፡

7 ዩያር ጉሙርቃ ዓሶ ዒንህም ዩይ ሹጫህ ቦንቸንቴያኩ፤ ጉሙርቁዋ ዓሶም ጋዓንቴ፡-

«ማኣር ማዠ ዓሳ ቦሂ ኬኤሬ ሹጫህ
 ኮሺ" ኮይሳ ሄሎ ሹቸ ማዕኔ፡፡»

8 ሃሃ፡-
 «ሃይሹ፡ ዓሶ ዲቃ ሹጫህ
 ጊንሃ ዓሶ ዲቂ ሎንሃ ላላህ»

ጌይንቴ ጌኤዠ ማፃኣፓይዳ ፃኣፒንቴህጉዳያኩ፡፡

ዋይቲ ጌዔቶ ዔያታ ዒዛኮ ቃኣሎ" ጉሙርቁዋ ዓቲዖና ዳቢንቴ ዲቁንቴኔ፡፡ ሃሃ ያኦሲ ዔያቶም ማሊ ጌህህያ ዩያምኩ፡፡

9 ዒንህ ጋዓንቴ ዲሞይዳፓ ዳኤፖ ሄርሺሳ ፔኤኮ ፖዖ ባንህ ዒንህ ዔኤሌ" ያኣዛህኮ ዲቃህ ማዶ" ኬኤዛንዳጉዲ ዶኦሪንቴ ሸይንቴ፡ ካኣቲም ማዳ ቁኤሴ፥ ጌኤሽ ዳሬ ሃሃ ያኦሲ ፔኤም ማሂ ዲማሴ ዳሬኩ፡፡ 10 ዒንህ ቤርታ ያኦሲ ዳሬቱዋሴ፤ ሃህ ጋዓንቴ ዒንህ ያኦሲ ዳሬኩ፤ ቤርታ ዒንህ ማኣሪንቴህ ዳንቂባኣያታዖ ሃህ ዒንህ ዳንቁኔ፡፡

ያኦሲም ማዳ ዓሲ ዛላ

2:3 ዓይኑ. 34፥8፡፡ 2:6 ዒሲ. 28፥16፡፡ 2:7 ዓይኑ. 118፥22፡፡ 2:8 ዒሲ. 8፥14-15፡፡ 2:9 ኬሲ. ማፃ 19፥5-6፤ ዒሲ. 43፥20-21፤ ላሚ. ዋግ 4፥20፤ 7፥6፤ 14፥2፤ ቲቶ 2፥14፤ ዒሲ. 9፥2፡፡ 2:10 ሆሴ. 2፥23፡፡

11 ታ ዒሾንሦ! ታ ሚሾንሦ! ሃያ ዓጮ"ይዳ ዒንሢ ሾኑቸ ሃሣ ቤሲባኣ ዓሲ ማዔሢሮ ዒንሢኮ ሾሞፖና ሞላ" ያለታ ዓሲ ማለሢ ሱኡኮይዳፓ ዒንሢ ሃካንዳጉዲ ሃዳራ ታ ጋዓኔ። 12 ጎፖንቴ «ዔያታ ፑርታ ማዳ ዓሲኬ» ጌይ ዒንሢ ደንኮቶዎ ያኦሲ ኑና ሺሪ ዛጋኒ ሙካ ኬሎ" ሜሌ" ዴራ" ዒንሢኮ ኮዡ ማዳ" ዛጊ ያኦዛሢ ጋላታንዳጉዲ፣ ዔያቶ ባኣኮ"ይዳ ዒንሢ ናንጋኣና ኮሺ ዒና ዒንሢኮ ዓኣያ ማፖንጎ።

13 ጎዳ ዩሱሴ ዛሎ"ሮ ጌይባካ ዎይሢያ ቢታንታ ዒንጊንቴ ዓሶሞ ዓይሢንቴዎቴ፤ ዒንሢኮ ዑፃ ማዒ ዎይሢ ካኣቶ"ማኣ ዓይሢንቴዎቴ። 14 ሃሣ ካኣታ" ጌሢ ዓሶማኣ ዓይሢንቴዎቴ፤ ዓይጎሮ ጌዔቶ ዔያታ ፑርቶ ማዳ ዓሶይዳ ዎጋኒ ኮዡ ማዳ ዓሶ ጋላታኒ ጌሢንቴያኬ። 15 ኮሺ ማዳሢና ዔኤዮ ዓሶኮ ዔሩዎዎ ጌሰቶ ጌኤዘኮ ዒንሢ ዳንጋ ዓርቁሳንዳጉዲ ዩይ ያኦሲ ማለሢኬ። 16 ያኦሲሞ ማዳ ዓሲ ማዒ ዲማዲ ኬሰኬ ዓሲ ማዒ ሃንቴዎቴ፤ ጋዓንቴ ዒንሢኮ ዲማዲ ኬሰኪያ ፑርቱሞ ዓኣቸ ዓርቃያ ማሂፖጉቴ። 17 ዓሲ ቢያ ቦንቸዎቴ፤ ዩሱሴ ጉሙርቁ ጎናሲ ዔኬ ዓሶዎ ናሽኩዎቴ፤ ያኦሲ ዒጊጨዎቴ፤ ካኣቶ"ዎ ቦንቸዎቴ።

ኪሪሰቶሴኮ ሜታ" ኮኦኪንሢ ማዔ ጎይዎ

18 ዒንሢ፣ ዓይሎ" ማዔ ዓሳ፡ ዒንሢ ዎይሢ ዓሶሞ ዓይሢንቴዎቴ፤ ዒንሢ ዓይሢንታንዳሢ ኮሺ፣ ሓሣ ሹሌዔ ማዔዘንሢሞ ሌሊቱዎንቴ ሚጨንቴዎ ዓሶንታሞ ቢያኬ። 19 ዓይጎሮ ጌዔቶ ዓሲ ጋላቲንታሢ ጌኔ ማዔ ጎይሢና ሜቶ ዔኪ ያኦሲ ዛሎ"ሮ ጌዒ ጊቤ"ቶኬ። 20 ዒንሢ ፑርታ ማዳ ሜቶ ዔካዎ ጊቤ"ቶ ዓይጎ ጋላታ ዒንሢኮ ዓኣያ ማዓንዳይ? ጋዓንቴ ኮሺ ማዳዎ ሜቶ ዔኪ ዒንሢ ጊቤ"ቶ ያኦሲዳፓ ጋላታ ዒንሢ ዴንቃንዳኔ። 21 ዒንሢ ዔኤሊ"ንቴሢያ ዩያሮኬ፤ ዓይጎሮ ጌዔቶ ዒዚ ሃንቴ ጎይዎ ሃንታንዳጉዲ ኪሪሰቶሴ ሜቶ ዔኪ ዒንሢሞ ኮኦኪንሢ ማዔኔ። 22 ዒዚ ፔቴ"ታዎ ጎሜ ማዳባኣሴ፤ ሃሣ ሉኡቂያ ዒ ሉኡቂባኣሴ። 23 ዒዛ ዓሳ ጨሽካኣና ማሂ ጨሽኪባኣሴ፤ ሜታሢ ዔካኣና ፒዜ ዎጋያ ማዔ ያኦዛሢዳ ሃጊ ማዓንዳ ዎዛ ጌሢያፓዓቴሞ ዚርቁባኣሴ። 24 ኦኡኒ ሃይቢና ዲማዲሢጉዲ ጎሜይዳፓ ዲማዲ ጌኤሹሞና ናንጋንዳጉዲ፣ ዒዚ ፔኤሮ ፔ ዓሽኮና ጎሞ ኦኡሲ" ፑርቶ ዓሶ ሱዎ ሚያይዳ ኬዴኔ፤ ሃሣ ዒዛኮ ኪዳዲያና ዒንሢ ዳቄኔ።

2:22 ዒ.ሲ. 53:9። 2:23 ዒ.ሲ. 53:7። 2:24 ዒ.ሲ. 53:5።

25 ዓይጎር ጌዔቶ ቤርታ ዒንሢ ሳይቄ ማራይጉዲ ዣኣሊ ሃንቴኔ፤ ሃሢ ጋዓንቴ ዒንሢኮ ሸምፖ ሄንቁ ካፓሢ ሳንሢ ዒንሢ ማዔኔ።

3

ዒንና ማቸና ዛላ

1 ዓካሪ ዒንሢ ላኣላ ዒንሢሚም ዒንሢኮ ዓይሢንቴዎቴ፤ ዬያይዲያና ሃጊ ያኣሲ ቃኣሎ" ጉሙርቂ ዔኪባኣ ዒንሢሢ ዓኣቶ ደንጋና ኬኤዚሢሢ ለሌቱዎንቴ ማቸንሢኮ ናንጋ ናንጎ ዛጊ ያኣሲ ሳንሢ ማዓኒ ደንዳዓኔ። 2 ያዒ ዔያታ ማዓኒ ደንዳዓሢ' ጌኤሺ ማዓም፤ ሃሢ ያኣሲ ቦንቻያ ማዒ ዒንሢ ናንጌም ዛጌቶኬ። 3 ዒንሢኮ ሚዛጰማ ቶኦኪ ማዢንቴና፣ ዎርቄ ዎይዚዳ ዓኣሥሢና፣ ቃራ ጊኢጋ ማኣያ ማይንቴ ዙሌ"ና ጰደ፣ ሚዛጰምና ማፖፖ። 4 ጋዓንቴ ዒንሢኮ ሚዛጰማ ያኣሲ ቤርቶይዳ ሚርጌ ቦንቸንቴያ ማዔ ሃሢ ሳይቄዎ ፓልሞ ሸሌዑምና ሂርኪ ጌይሢ ዓያና ዒንሢ ፓልሚሴ ዒና ዓኣሺንቴ ዓኣ ጋሮ ማፖንጎ። 5 ዓይጎር ጌዔቶ ሚናኣ ዎዶ"ና ፔኤኮ ዓኣ ማሊያ ያኣሲዳ ጌሢ፣ ደማዲ ዓንጀንቴ ላኣላ ፓልሚሢ ዬያ ጉዴያናኬ፤ ሐሣ ዒንሢሢማኣ ዔያታ ዓይሢንቴኔ። 6 ሳኣራ ዬያጉዲ ዓብራሃማም፡- «ታ ጎዳሢዮ!» ጌዒ ጌዒ ዓይሢንቴ ጎይያ፣ ዒንሢሢ ዓይጎዎ ዒጊጩዎዎ ዒንሢ ዒንሢሢም ኮሺ ባኣዚ" ማዴቶ ዒዘኮ ዒንሢ ናኣቶ"ኬ።

7 ዒንሢሢ ዓንሢሢ! ዒንሢኮ ማቸንሢሢ ዎላ" ዔጋ ናንጉዎቴ፤ ዒንሢዳፓ ባሺ ዔያታ ላቢ"ንቴ ማዢንቴ ማዔሢሮ፣ ሃሢ ዒንሢሢ ዎላ" ዔያታ ያኣሲ ኮሹሞና ዒንጌ ናንጎ ደካላንዳሢሮ ዔያቶ ቦንቸዎቴ፤ ያዲ ዒንሢ ማዒ ናንጌቶ ዒንሢ ሺኢጲያኮ ዲቆ ማዓ ባኣዚ" ባኣያ ማዓንዳኔ።

ኮሺ ማዳያታያ ማቶ ዔኪሢ

8 ማይ ዓካሪ ቢያሢ ሴካና ሃንጋና ዎላ" ጊኢጊ ናንጉዎቴ፤ ሜሌ" ዓሲኮ ማቶ ዓዳ" ዒንሢ ማቶ ማሂ ዛጉዎቴ፤ ዎሊኮ ጌርሲና ጌሮና ዎሊ ናሽካ ናሹሞና ዎሊ ናሽኩዎቴ፤ ኮሺ ዓሲ፣ ሃሢ ሚጩንታ ዓሲ ማዑዎቴ። 9 ፑርቴሢም ፑርታ፣ ጫሽካሢማኣ ጫሽኪ ማሂፖቴ፤ ጋዓንቴ ዓንጀዎቴ፤ ዓይጎር ጌዔቶ ዒንሢ ዔኤሌ"ንቴሢ ዬያይዲ ማዴያና ያኣሲዳፓ ዓንጀ ዔካኒኬ፤ 10 ጌኤዢ ማፖኣፓ፡- «ናንጊ ፔኤኮ ናሽካ ዓሲና ኮሺ ዎዴ ዛጋኒ ኮዓ ዓሲ

2:25 ዒ.ሲ. 53፥6። 3:1 ዒ.ፕ. 5፥22፤ ቆላ. 3፥18። 3:3 1፯ሞ. 2፥9።
3:6 ማዢ. ማፖ 18፥12። 3:7 ዒ.ፕ. 5፥25፤ ቆላ. 3፥19።

ዳንጋ ዒዛኮ ፑርታ ባኣዚ" ጌሰቱዋጉዲ
ሙኡጫኣ ዒዛኮ ማልቲሢ ሃይሴ ጌሰቱዋጉዲ ካፖንጎ።

11 ፑርታይዳፓ ሃኪ፥ ኮሺ ባኣዚ" ማድንጎ፤

ሓሣ ኮሹሞ ሌሊ ኮሲ ዒማ ገንጾ ሃንቶንጎ፤

12 ዓይጎር ጌዔቶ ጾኦሲ ዛጋሢ ጂሎ" ዓሶ ባንሢኬ፤

ዋያኣ ዒዛኮ ዔያቶ ሺኢጲጾ ዋይዛኒ ቡሊ"ንቲ ዓኣኔ፤

ፑርታ ማዳ ዓሶ ዑፃ ጋዓንቲ

ዳጋ ዓኣፒ ካራ ጾኦሲ ሺርሻኔ» ጋዓኔ።

13 ዬያር ዒንሢ ኮሺ ባኣዚ" ማዳኒ ኮዔቶ ዒንሢዳ ፑርታ
ባኣዚ" ሄሊ"ሳንዳሢ ያናዳይ? 14 ኮሺ ማዳ ማዳያታፃ ዒንሢ ማቶ
ዔኬቶ ጾኦሲዳፓ ዓንጆ ዒንሢ ዳንቃንዳኔ፤ ዓሶኮ ዚርቂዎር ዒጊጪ
ሜታዲፖቲ። 15 ጎዳ ማዔ ከሪሰቶሴ ዒንሢኮ ዒኖና ቦንቹዋቲ፤
ዒንሢሞ ሃጊ ማዓንዳ ዋዞ" ዛሎ"ሮ ጌዒባካ ዒንሢ ጾኦጫ ዓሶም
ቢያ ማሂ ኬኤዛኒ ገኢጊንቲያ ማዑዋቲ። 16 ጋዓንቲ ዒንሢኮ
ማሂፃ ሹሌዑሞና ቦንቾና ማዎንጎ፤ ዒንሢ ከሪሰቶሴሮ ማዒፃና
ዒንሢኮ ዓኣ ኮዞ ማሊያይዳ ፑርታ ጌሰታ ዓሳ ፔኤኮ ፑርቶ ጌኤዞና
ቦርሲንታንዳጉዲ ዒንሢኮ ኮሺ ዒና ዓኣያ ማዎንጎ። 17 ዓይጎር
ጌዔቶ ጾኦሲ ማሊያታቲያ ዒንሢሞ ኮሺ ማዳ ማቶ ዔኪሢ
ማዓንዳኣፓዓቲም፥ ፑርታ ማዳ ማቶ ዔኪሢቲዋሴ። 18 ከሪሰቶሴ
ፔ ቶኦኪና ጾኦሲ ባንሢ ኦና ዑኪሳኒ ዒዚ ጂሎ"ታፃ፥ ኦና ጂሎ"ማ
ባኣ ዓሶም ኦ ጎሞ ዛሎ"ሮ ፔቲ"ና ማቶ ዔኪ ሃይቄኔ፤ ዒዚ
ዓሽኮና ሃይቄኔ፤ ጋዓንቲ ዓያኖና ናንጊና ናንጋያ ማዔኔ። 19 ሃሣ
ዒዚ ሲጾሌ ጌይንታ ዲሞ ዔቶ"ይዳ ቱኡቲ ዓኣ ዓሶ ባንሢ ዓያናና
ዓኣዲ፥ ዒኣካ ሽምፖም ኮዞ ሃይሶ ቃኣሎ" ኬኤዜኔ። 20 ዬያታ
ቱኡዞ ቤዞይዳ ዓኣ ሽምፓ፥ ቤርታ ኖሄ ዋዶ"ና ዋኣፃ ካኣሚላ
ማዞፒንታኣና ሃሣ ጾኦሲ ዔያቶ ባይዛንዳፃ ጊቢ" ካፓኣና ዔያታ
«ኦ ዋይዛዓ» ጌዔዞንሢኬ። ጋዓንቲ ዋኣፃ ካኣሚሎይዳ ጌሊ
ዋኣፃይዳፓ ዳቁዞንሢኮ ፓይዳ" ዳካ"፥ ሳሊ" ዓሲ ሌሊኬ። 21 ዬይ
ዋኣፃ ሃሢ ዒንሢ ዳቂሻ ዋኣፃ ማሰቲፃ ኮኣኪንሦኬ፤ ዬይ ዋኣፃ
ማሰቲፃ ዑፃፓ ኪንሢ ጌኤሽሢቲዋንቲ ኮሺ ዒናና ጾኦሲ ባንሢ
ሽኢኪሢ ጫኣቁሞኬ፤ ዒንሢ ዬይ ዳቂሻሢያ ዬሱሰ ከሪሰቶሴኮ
ሃይባ"ፓ ዔቂፃ ዛሎ"ናኬ፤ 22 ዒዚ ጫሪንጮ ዓኣዲ ጾኦሲ፥ ዓዳሢኮ
ሚዛቆ ዛሊ" ዓኣኔ፤ ጾኦሲኮ ኪኢታንቾና ጫሪንጫ ዋልቆና ዓኣ ባካ
ቢያ ዒዛሞ ዓይሢንታኔ።

3:12 ዓይኑ. 34፥12-16። 3:15 ማቲ. 5፥10፤ ዒ.ሲ. 8፥12-13። 3:20 ማዢ.
ማፃ 6፥1—7፥24።

4

ጾኑሲም ዲማዲ ናንጊሢ

1 ኪሪሰቶሴ ዓሲ ማዲ ሜቶ ዔኬያታሢር ዒንሢ ዬይ ማሊያ ዓዳ" ጾልዚ ዓንጋሞጉዲ ደዲሾንጎ፤ ፔ ዑያ ዓሽኮና ሜቶ ዔኬሢ ጎሜ ማዳ ሃሼ"ኔ ጌይሢኬ። 2 ሃካፓ ሴካ ሳይይዳ ዒንሢ ናንጋኣና ዓሲ ማሊያኮ ፑርቶ ሱኡኮ ኩንሢ ኩንሢቱዋንቴ ጾኑሲ ማሊያ ኩንሥሢና ናንጉዋቴ። 3 ጾኑሲ ዔሩዋ ዓሳ ማዳሢ ጎይያ- ማቾ ሃሢ ዓኒ ማዲባኣ ዓሲ ዓርቂ ዓማሊ"ሢና፣ ማቾ ሃሢ ዓኒ ማዲባኣ ዓሲና ላሃኒ ሱኡካዲሢና፣ ዑሽኪ ማሢንቲሢና፣ ኮይሱዋ ኮሢ ኮርጊሢና፣ ኮይሱዋ ጎይሢ ዑሽኪ ኮኣሚሢና፤ ሃሢ ዒሣያ ማዔ ሜሌ" ካኣኮ ካኣሽኪ ካኣሽኪ ዒንሢ ናንጌ ዋዳ" ማይ ጊዳንዳ። 4 ሃሢ ጋዓንቴ ዬያ ባኮ ቢያና ዒንሢ ዋጌባኣ ጎይሢ ዔያቶና ዋላ" ማዲ ሃንቱዋኣሢር ዔያታ ሄርሺ ዲቃታንዳ፤ ሃሢ ዔያታ ዒንሢ ጨሽኪያ ጨሽካንዳ። 5 ጋዓንቴ ሼምፔና ዓኣ ሳሶና ሃይቄ ሳሶናይዳ ዋጋኒ ጊኢጊንቴ ጾኣዛሢም ዔያታ ማሂ ኬኤዛንዳ። 6 ቤርታ ዋይኬያ ሃይቄ ዓሳማኣ ጉቤ ኮኮ ሃይሳ ኬኤዚንቴሢ ዬያይዳ፣ ዔቄያናኬ፤ ዬያር ዓሽኮና ዔያታ ዓሳ ዋጊንታሢ ጎይያ ዋጊንታንዳ፤ ዓያኖና ጋዓንቴ ዔያታ ጾኑሲ ናንጋ ጎይያ ሼምፔና ናንጋንዳ።

ጾኑሲፓ ዒንጊንቴ ዒንጊያ ቃራ ጎይሢና ዓርቂ ቆለሢ

7 ማይ ዓካሪ ቢያ ባኣዚ"ኮ ጋፐንሢ ዑኬኔ፤ ዬያር ዒንሢ ደዲ ሸኢቃንዳጉዲ ፒዜ ማሊሢ ዒንሢኮ ዓኣያ ማዎንጎ፤ ሃሢ ዒንሢ ቶኣኮ" ዔሪ ናንጋያ ማዑዋቴ። 8 ናሹሞ ሚርጌ ዳቢንቲ ዓቶም ጌይሳያ ማዔሢር ቢያ ባኣዚ"ፓ ዑሣ ዓኣፌ ሴካና ሃንጋና ዋሊ ኮሺ" ናሽኩዋቴ። 9 ሴካና ሃንጋና ጉንዲማ ባኣያ ሾኦቹንሢ ዋሊ ዔኩዋቴ። 10 ፔቴ" ፔቴ" ዒንሢ ባኣካ" ዓኣ ዓሳ ጾኑሲ ዲማ ዲማ ማሂ ዓንጌ ዒንጊያ ጉሙርቂንቲሢና ዓርቂ ቆለ"፣ ዒንጊንቴ ዒንጊንቶ ጎይያ ባጋሢም ማዳንጎ። 11 ጾኑሲ ቃኣሎ" ዔርዛሢ፣ ጾኑሲ ዒዛና ማዲ ኬኤዛያ ማሂ ኬኤዛንጎ፤ ማዳሢያ ጾኑሲ ዒንጋ ዋልቆና ጉሙርቂንቲ ማዳንጎ፤ ያዲ ማዔቴ ዬሱሰ ኪሪሰቶሴ ዛሎ"ና ማዲ ቢያ ባኣዚ"ና ጾኑሲ ጋላቲንታንዳ፤ ቦንቾና ዋልቄና ናንጊና ዒዛም ማዎንጎ፤ ዓኣሜን።

ሜቶ ዋዳና ደዲሢ

12 ታ ዒጊኖንሢያ፣ቲ! ዓዳ" ታሚጉዲ ሜታሲ ዒንሢ ዳቢሳኒ ጋዓ ሜቶይዳ ዒንሢ ጌሌ ዋዳ"ና ዓኪ ባኣዚ" ዒንሢዳ ሄሌ"ጉዲ

ዲቃቲ ሄርሺፖቴ፤ 13 ባሼ ኪሪሰቶሴ ሙካ ዎድ"ና ዲንሢዎ ጴጌፕ ዎዛ ማዓንዳጉዲ ዲዛኮ ሜቶ" ዲዛና ዎላ" ዲንሢ ዔካ ጎይዎማና ሃሢ ዎዛዲቀቴ። 14 ኪሪሰቶሴ ሱንፆ ዛሎ"ሮ ዲንሢ ጫሽኪንቴቴ ቦንቸንቴያ ማዔ ያኦሲ ዓያና" ዲንሢዳ ማዓንዳሢሮ ዲንሢ ዎዎዛዲቀቴ። 15 ዲንሢዳፓ ያናታቴያ ሜቶ ዔካኣና ዓሲ ዎዲ፥ ወኡቁ፥ ፑርታ ማዲ ማዲ፥ ዓሲ ሃይሴኮ ባኣካ ጌሊ ሜቶ ዔካያ ማፆፓ። 16 ጋዓንቴ ዬሱሴ ጉሙርቁ ጎናሲ ዔኪያና ሌሊ ሜቶይዳ ጌላይ ዓኣቶ ኪሪሰቶሴ ሱንፆ ዛሎ"ሮ ጌዒ ያኦሲ ጋጋላቶንጎ፤ ቦርሲንቶፓ።

17 ዎጌ ዎጊንታንዳ ዎዳ" ዑኬኔ፤ ጋዓንቴ ዎጊፃ ዓርቁንታሢ ያኦሲ ዓሰይዳፓኬ፤ ሂዳዎ ዎጊፃ ኑ ጊዳ"ፓ ዓርቃያ ማዔቶ ያኦሲኮ ኮዦ ሃይሶ ጉሙርቁዎ ዓሰኮ ጋፒንፃ ዓይጎ ማዓንዳይ? 18 ጌኤዦ ማፃኣፓ ኬኤዛዎ:-

«ዲሎ" ዓሲ ዳቃኒ ዳንዳዓሢ ሚርጌ ሜቶና ማዔቶ ያኦሲ ካኣሽኩዎ ዓሳ ዎዎይታንዳይ?» ጋዓኔ።

19 ዬያሮ ያኦሲ ማሊሢ ማዔም ሜቶ ዔካ ዓሳ ቢያ ዔያታ ፔኤኮ ሽምፓሢ ጉሙርቁንታያ ማዔ፥ ማዦሢዎ ዲንጊ ኮሺ ባኣዚ" ማዲሢዳፓ ጊንሢዎ ጎፆፓ፤

5

ያኦሲ ዓሰ ዎይሃዞንሢዎ ዓይሢንቴ ዳምቤ

1 ዓካሪ፡ ታኣኒ ዔያቶና ዎላ" ሺኢጲዎ ማኣሮኮ ጨዎ ማዔሢ፥ ኪሪሰቶሴ ሜቶ"ኮዎ ማርካ ማዔሢ፤ ሃሢ ሃጊ ቤርታ ጴዳንዳ ዎዞ" ዔያቶና ዎላ" ዳንቃንዳሢ፥ ዲንሢ ባኣካ" ዓኣ ሺኢጲዎ ማኣሮ ጨዎ ታ ዘራኔ። 2 ዲንሢዎ ሃዳራና ዲንጊንቴ ያኦሲ ማራቶ ሄንቁዎቴ፤ ዲንሢ ሄንቃ ዎድ"ና ያኦሲያ ዎልቃዳምቴዎንቴ ያኦሲ ናሽካ ጎይዎ ናሹሞና ሄንቃያ ማፆንጎ፤ ሃሢ ሚኢሼ ናሹሞናቴዎንቴ ዲንሢኮ ማዲኒ ዓኣ ዲናፓ ማዔ ማሊሢና ማፆንጎ። 3 ዬያጉዲ ሃሢ ዲንሢኮ ዳማ" ዓኣ ዓሰ ሜታሲ ዎይሥሢናቴዎንቴ ማራቶም ኮሺ ኮኣኪንሢ ማዓ ባኣዚ" ዳዊሢና ማፆንጎ። 4 ያዳ ዲንሢ ማዳቶ ማራቶ ሄንቃ ዓሰኮ ሱኡጋሢ ሙኬ ዎድ"ና ፑርቲ ባይቁዎ፥ ቶኦካ" ዓጎ ቦንቾ ባኮ ዲንሢ ዔካንዳኔ።

5 ዬያጉዲ ዲንሢ፥ ጴጌዞቴ! ጋርቾ ዓሰም ዓይሢንቴዎቴ፤ ቢያሢ ሺሌዑሞ ዓዳ" ማኣፆጉዲ ማይንቴ ፔቴ"ይ ባጋሢዎ ዓይሢንቴ ማዳንጎ፤ ዓይጎሮ ጌዔቶ ጌኤዦ ማፃኣፖይዳ:-

4:18 ኮኣኪ. 11፥31። 5:2 ዮሐ. 21፥15-17።

«የኦሲ የቶርቃ ዓሶ ዒፃኔ፤
ኮዦ ዓሶም ጋዓንቴ ዒዚ ፔ ኮሹሞና ዒንጋ ዒንጊያ ዒንጋኔ»
ጋዓሢርኬ።

6 ዓካሪ፡ የኦሲ ፔ ማሊ ጌሢ ወደ"ና ዒንሢ ጴጊዳንዳጉዲ
የኦሲኮ ጴኤፖ ዋልቆ ዳም" ዒንሢ ቶኦኮ" ሂርኪሱዋቴ። 7 ዒዚ
ዒንሢ ዛሎ" ማለያታሢር ዒንሢ ሜታሳ ማሊያ ጉቤ ዒዛ 0-፱
ጌሡዋቴ።

8 ዒንሢ ቶኦኮ" ዔሪ ናንጉዋቴ፣ ሃሃ ጴጩዋቴ፤ ዓይጎር
ጌዔቶ ዒንሢኮ ሞርካሢ፣ ፃላሄ ዓዳ" ዔኤዳንዳ ባኣዚ" ኮዒ
ጉዳ ዘቢ"ጉዲ ዒንሢ ዓጮ ሺሪ ሺሪ ዒንሢ ካታ"ኔ። 9 ዓጮ"
ቢያይዳ ዓኣ ዩሱሴ ጉሙርቂ ጎናሲ ዔኬ፣ ዒንሢኮ ጌርሲንሢጎታ
ጌርንሢጎታ ማዔ ዓሳ ዩያጉዴ ሜቶ" ዔካያ ማዔሢ ዔሪጋጋጋ የኦሲ
ጉሙርቂያና ደዲ ሞርካሢ ማኩዋቴ። 10 ኪሪሰቶሴ ዛሎ"ና ፔኤኮ
ናንጊና ናንጎ ቦንቾ ባንሢ ዒንሢ ዔኤሌ"፣ ዒዛይዳፓ ማዔ ኮሹሞ
ዒንጊያኮ ቢያ የኦዛሢ" ዳካ" ወዴ ዒንሢ ሜታዳሰካፓ ዒ ፔኤር
ዒንሢ ደዲሺ ዔቂሳንዳኔ። 11 ናንጊና ቦንቾና ዋልቁና ዒዛም
ማዖንጎ! ዓኣሜን።

ጋፒንሢ ሳራሥሢ

12 «ታኣኮ ጉሙርቂጎታ ጌርሲኬ» ጌዒ ታ ማላ ሲልሞኖሴ ጎያሢ
0-፱ይዳ ሃኖ" ኪሊቶ" ዳካ"ና ታ ዒንሢም ፃኣፔኔ፤ ታ ፃኣፔሢያ
ዒንሢ ዘራኒና ዬይ ባካ የኦሲ ፔ ኮሹሞና ዒንጌ ጎኔ ዒንጊሢ
ማዔሢ ማርካዳኒ ጌዒኬ፤ ዬያር ሃያ፣ የኦሲኮ ኮሹሞ ዒንጊያና ደዲ
ዔቁዋቴ።

13 ባብሎኔይዳ ዓኣ ዒንሢኮ ጌር ማዒ ዒንሢጉዲ ደኦሪጎቴ
ሺኢጲያ ማኣሪላ ዒንሢ «ኮሺዳ» ጋዓኔ፤ ሃሃ ታኣኮ ናዓሢ
ማርቆሴያ ዒንሢ «ኮሺዳ» ጋዓኔ። 14 ዩሱሴ ጉሙርቂ ጎናሲ
ዔኬ ዓሲ ጎይሢ ናሹሞና ሴካና ሃንጋና ዋሊ ኮሺ ዔኤሌ"ሢ
ዔኤሌ"ዋቴ።

ኪሪሰቶሴር ማዔ ዓሶ ዒንሢ ቢያሢም ኮሺ ማዖንጎ።

5:5 ኮኦኪ. 3:34። 5:6 ማቴ. 23:12፤ ሉቃ. 14:11፤ 18:14። 5:12 ዳኪ.
ማዶ" 15:22። 5:13 ዳኪ. ማዶ" 12:12፤ 13:13፤ 15:37-39፤ ቆሊ. 4:10፤ ፒልሞ.
24።

ጌጌዥ ማግኔግ
**The Holy Bible in the Maale language of Ethiopia,
using Ethiopic script**

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929